

Uorden d'adöver dals stabels illas alps dal cumün da Tarasp

Ils stabels in las alps servan in prüma lingia a la pastriglia d'ürant il temp da l'alpigiada. In seguonda lingia pon ils stabels cumünals gnir miss a disposiziun a terzas persunas pel scopo da chatscha, ed our da quel temp a persunas pel scopo da gitas.

Per la giodia stan a disposiziun ils seguaints stabels:

- Teja da l'alp Plavna cun 5 lets
- Chombra sur la stalla da l'alp Laisch cun 4 lets, (be per scopos da chatsch'ota)
- Chamonna dal Munt da la bescha cun 3 - 4 pritschas.

Mantegniamaint e giodia suottastan a la suprastanza cumünala. Il schef tecnic dal cumün da Tarasp ha la survista e la controlla sur da l'adöver dals stabilimaints. Mincha persuna o gruppa chi fa adöver d'ün stabilimaint ha da surdar quel in bun uorden.

Il cumün obliescha, cha'ls indrizs sanitaris, surtuot las tualettas sian accessiblas eir dasper il temp da l'alpigiada, vuol dir cha per l'alp Plavna e'l Munt da la Bescha sto esser avantman eir üna tualetta biologica.

Criteria per l'adöver dals stabels:

1. La preferenza d'adöver es reglada tenor la seguainta cronologia:
 - a) Persunas domiciliadas da Tarasp
 - b) Persunas chi han gnü almain 10 ons domicil a Tarasp
2. Tuot ils chatschaders a Tarasp chi accumulischan üna da las premissas ed han l'intent da far adöver dals stabilimaints da cumün d'ürant la chatscha as fuorman üna gruppa d'interess. Quella elegia ün respunsabel chi organisèscha l'intent d'allogi da mincha singul chatschader. Tala persuna es lura la persuna da colianza tanter ils chatschaders e'l manader tecnic da cumün.
3. Ils interessats chatschaders annunzchan lur intent da termin pel alloggi fin il plü tard als 15 d'avuost a la persuna da colianza. In cas da plüssas annunzchas pel istess stabel, invida il respunsabel a talas persunas ad üna discussiun. Schi nu's chatta cumünaivelmaing ingüna soluziun, decida la büs-cha. La persuna da colianza surdà la glista pel alloggiamaint previss amo avant il cumanzamaint da chatscha al manader tecnic chi surdà las clavs dals stabels.
4. Ils chatschaders privilegiats pon retrar ils abitaculs 3 dis avant la chatscha ed han da rumir lur bagagl 3 dis davo la chatscha. In mincha stabel sto gnir manà üna glista da pernottaziun.
5. Persunas chi van in gita pon retrar, sün dumonda, la clav pro'l manader tecnic. Ellas pon dovrar il stabel maximal 3 dis.
6. Las immundizchas ston gnir allontanadas dals alloggiaders.

7. La laina per platta e per s-chodar ston ils alloggiaders pisserar sves. Otramaing han els d'indemnisar per quella a la corporaziun d'alp o al cumün 10.00 frs. al di.
8. La taxa pro pernottaziun e persuna importa:
 - per persunas cun domicil in cumün, 10.00 frs. la not.
 - per persunas chi han gnü almain 10 ons domicil in cumün, 15.00 frs. la not, implü la taxa da cura.
9. A persunas chi cuntrafan a quist uorden, po la suprastanza refüsar l'allogi.
10. La suprastanza cumünala es legitimada d'adattar las tariffas tenor alinea 8 schi fa dabsögn.

Quist uorden rimplazza l'uorden dals 4 da settember 1986 ed aintra in vigur cun l'approvaziun da la radunanza cumünala dals 10 da marz 2014.

Tarasp, ils 17 marz 2014

PER LA RADUNANZA CUMÜNALA DA TARASP

Il capo:

Christian Fanzun

l'actuara:

Tamara Zala